

Aningaasaqarnermut Ataatsimiititaliap aalajangiinera 9. juli 2008-imeersoq pillugu Naalakkersuisunut ilisimatitsineq ; **Suliaq nr. 01.31.06/08-00347** (Naalakkersuisut siulittaasuata aalajangiinera nr. 313, 3. juli 2008-imeersoq)

Narsami toqoraavimmut atasumik suliniutitut nutaanut sillimmatinit aningaasat atugassiissutigineqarnissaat.

Naalakkersuisut **inassutigaa**,

2008-mut Neqi A/S-imik angusaqarnissamik isumaqatigiissutissamut missingiusiaq akuersissutigineqassasooq,

konto pingaarnemi 20.11.50-imi aningaasaliissutit, Ingerlatsinerumut sillimmatitut tunngasoq 2008-mi 3.222.000 kr.-inik aappaavigineqassasut, kiisalu,

konto pingaarneq 51.03.02-mi aningaasaliissutit, 2008-mi 3.222.000 kr.-inik qaffaavigineqassasut.

Aningaasaqarnermut Ataatsimiititaliap oqaaseqaatai

Neqimik kiffartuussinissamik isumaqatigiissutitip allaanerumik aningaasalersorneqarnissaanik Aningaasaqarnermut Ataatsimiititaliap kissaataa maanna qinnuteqaatikku Naalakkersuisut naammassiniarpaat. "Nunalerinerumut tunngasunut killiliussat immikkoortinneqareersut avataatigut " nassaarniatoqarnissaanik ataatsimiititaliap naatsorsuutigisaanut qinnuteqaat naapertuuppoq. Aningaasaqarnermut Ataatsimiititaliap aalajangiinera nr. 08-325, kiisalu Naalakkersuisunut ataatsimiititaliap malitsitit allakkiaa innersuussutigineqarput.

Kiffartuussinissamik isumaqatigiissummut atatillugu § 8.2, § 9.1 aamma § 9.2 pillugit §-inut innersuussutit kukkusunik tamarmik imaqarsorinartut Aningaasaqarnermut Ataatsimiititaliap oqaatigissavaa.

Taamatuttaaq ataatsimiititaliaq isumaqarpoq, kiffartuussinissamik isumaqatigiissut Neqip pisussaaffiinik iluaqutaasumik erseqqissaataasinnaasoq. Immikkoortulli taassuma allanngortinneqarnissaanik piunasaqaataasinnaasut kinguaattoornernik nassataqarsinnaanerata ataatsimiititaliamit ilisimaarineqarpoq, atugassaritineqartullu taamaatsillugit kissaatiginartut isigineqarnatik. Ataatsimiititaliali kiffartuussinissamik isumaqatigiissutissami tullermi, ingerlatseqatigiiffimmik isumaqatigiissutaasussami, Neqip pisussaaffiinik erseqqissaanissaq ugartorniarneqassasooq Naalakkersuisunut kaammattuutigissavaa. Tamanna pillugu suliaqarneq isumaqatigiissusiornissaq sioqqulluarlugu aallartisarneqartariaqarpoq.

Aningaasaqarnermut Ataatsimiititaliap aalajangiinera

Naalakkersuisunit inassuteqaatit Aningaasaqarnermut Ataatsimiititaliamit **akuersissutigineqarput** , kiffartuussinissamilli isumaqatigiissummi paragraf-imut innersuussutit iluarsineqarnissaat **kaammattuutigineqarpoq**. Kiffartuussinissamut isumaqatigiissutitip atsiorneqarsimasup nuutinnera, taanna pigineqaleriarpat Aningaasaqarnermut Ataatsimiititaliamut nassiunneqassasooq Naalakkersuisut qinnuigineqarput.

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua